

vnd rath vnser stat Lipczk vnser burgen gein Petern von Warten fur vierdehalbhundert Rini-  
schen gulden oder souil gelds die hundert gulden machen fur hundert ochssen vff sent Johans  
tag sunnenwenten czubeczalne wurden sind, das wir sie ire erben vnd nachkomen von solcher  
burgschafft gutlich an allen iren schaden entledigen vnd der loß machen wollen mit vrkund dits  
brieffs, der mit vnserm zuruckvffgedrucktem insigel versigelt vnd geben ist zu Grymme des  
dinstags quatuor coronatorum anno domini millesimo quadringentesimo quadragesimo sexto.

Nach dem Orig. im Rathsarchiv zu Leipzig.

No. 244. 1446. 23. Nov.

*Vorschriften für den Gewerbebetrieb der Kannengisser.*

Am mitwochen noch Elisabeth sub Petro Ileburgk proconsule sint alle drie  
rethe eyns wurden durch des gemeynen nucz willen als vmbe die kangisser, das sie  
hinfurt eynen ydirmanne er sie rich adir arm, wer on alde kannen schusseln teller  
addir andir ezenwerke widdir nuwe czumachen brengit, daz sullen sie eynem itz-  
lichem erbeitin vnde machin noch dem er is im brenget vnde sullen daz nicht ergern,  
vnde sullen von eynem pfunde czuerbeiten nemen eynen halben nuwen gr., vnde der  
abegang sal der kangisser sie, vnde sullen den abegang deme der machen lest nicht  
rechen. Waz abir die kangisser uff den kouff czu dem marckte nuwe machen adir  
andern luten, daz sullen sie machen czu dem eilfften . . .<sup>1)</sup> vnd waz sie von den  
alden kannen schusseln tellern adir andern ezenwerk eynem machen, daz sullen sie  
mit der stad schilde addir ezeichen alleyne mercken vnde ezeichen; was sie abir von  
nuwens vnd czum eilfften eynem adir uff den kouff machen wurden, daz sullen sie  
mit irem vnde der stad ezeichen mercken durch des willen, daz man ir werk nicht  
beschelden adir straffen mag. Bringit ouch eyner eynem kangisser alt gezeichnet  
gemacht ezenwerk, do sullen sie im nuwe ezeichen widdir geben vnde sullen da von  
or lon nemen vnde mehirl nicht. Item so sullen die kangisser keyne kannen von  
keynem fremden kouffen, der sie on czu treget, der vorkouffer sie on denne bekent-  
lichen vnde vmbesprochen, deme mogen sie abekouffin vnde wegseln.

Nach dem Stadtbuch fol. 50<sup>b</sup> im Rathsarchiv zu Leipzig.

Die Jahrzahl 1446 ist einer in dem s. g. gelben Buche im Rathsarchiv enthaltenen Abschrift aus dem  
16. Jahrhundert beigefügt.

1) Leerer Raum im Orig.

No. 245. 1446. 20. Dec.

*Die drei Rütthe entscheiden Streitigkeiten zwischen den Gerbern und Schustern wegen des  
Lederkaufs. Vgl. No. 81, 129 u. 179.*

Wir ratmanne vnde gesworne allir drier rete der stad Lipczk bekennen offint-  
lichen in dissim vnßerm briue. Noch dem als die ersamen Peter Towse gerwer-  
meister vnde Hans Muller schustermeister mit allin iren gewercken vndir sich etliche  
schelnisß vnd czweytracht von kouffunge vnde gerwunge des leders bißher obir etliche  
vorgethane scheidunge von vns vnde vnsern vorfarn an den reten gehat haben, der